



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 3. Vulnera Christi proficua peccatori.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

Ego sum pastor bonus. Joan. 10. 14. *ô bone Pastor! ego sum illa ovis, quæ perit; pro qua in cruce posuisti animam tuam. Ecce ego agnosce eam; & introduce eam in caulas vulnerum tuorum; & tuâ Passione custodi diligenter.* S. Laur. Just. de inc. am. c. 4.

Ex Patribus & aliis.

Signaculum regium Crux est; quam si in cordis nostri memoria portaverimus, tanti regionem Regis, quæ sinem non habet, securè poterimus transire. Habet hoc sigillum imaginem Crucifixi Jesu: in ipso sigillo Crucis multis fissuris effossum, & impressam; sicut in sigillis imago rerum exprimitur fodiendo. &c. S. Bernardus tr. de Pass. Dom. c. 44.

Numerus dictionum, quæ ponuntur in consecrationis forma, quinquarius est. Nam sicut per quinque Vulnera Christi sanguis principaliter emanavit; sic etiam per quinque perficitur ista. S. Bernardinus tom. 2. l. 54.

Lecti animæ, sunt quinque Christi vulnera, ubi contemplando quiescit. S. Vincent. Ferr.

O quam multas rubeas rosas, ex singulis plagis, & vulneribus suis mitissimus JESUS produxit! omnibus aromatibus suaviores, & pulchriores. Thom. Kemp. ferm. 8. ad Novit. pag. 3.

Christus S. Theresiæ quinque rosas in sui corporis paradiso ostendit. Gertrudis l. 4. c. 35. gratias agit SSS. Trinitati pro roseis vulneribus sui unice electi amatoris, Nadasi Ros. cœli rosa 2.

Franciscus Lucas observat, nescio quam vulnere imaginem agnos in mediis pedum vobis perpetuo gestare, non dissimilem Christi, veri Agni, clavorum fixuris. Doultreman l. 2. c. 2. Sect. 6. Crucifixio. Balsami, liquor, scissô plantæ cortice, promanat. Lem. *Aliis mea plaga medetur.* Masenius.

§. II.

Vulnera Christi benefica, salubria.

Domine, memento mei, cum veneris in regnum tuum. Luc. 23. 42. Hæc est fidei plena devotio; ut cum de vulneribus Domini profluens sanguis cernitur, tunc de potestate ejus venia postuletur S. Maximus hom. 1. de S. Latrone.

Pax vobis. Et cum hoc dixisset, ostendit eis manus, & latus. Joan. 20. 20. Cum Discipulos pace donat, ostendit eis vulnera belli, quibus acquisita pax q. d. pacem offero vobis; sed quæ effusô sanguine, diris vulneribus, comparata. Escobar t. 3. Coll. Chr. l. 9. Sect. 1. Obs. 6.

Opus manuum tuarum, Domine, nè despicias: Vulnera manuum tuarum, ut aspicias. S. August. Solil. c. 2.

Amore vulneratus est propter delicta nostra. Tuta, & firma, requies est infirmis, & peccatoribus, in Vulneribus Salvatoris. Securus illic habito: patent mihi viscera per vulnera. Quidquid ex me mihi deest, usurpo mihi ex Vulneribus Domini mei: quoniam

misericiordiâ affluunt. Nec desunt foramina, per quæ affluant; per foramina corporis patent mihi arcana cordis. S. August. Manuali cap. 21.

Stat Martyr tripudians, & triumphans: totô licet lacerô corpore, & rimante latera ferrô; non malô fortiter, sed & alacriter, sacrum è corpore suo circumspicit ebullire cruorem: Ubi ergo tunc anima Martyris? nempe in tuto, nempe in petra, nempe in visceribus JESU; Vulneribus nimirum patentibus ad introcundum. S. Bernardus l. 61. in Cant.

Da mihi Vulnera tuâ! Hæc super cœlum ambit cor meum; super solem illuminant intellectum meum; super ignem accendunt affectum meum; super aerem fecundant sermonem meum; super aquam emolliunt animum meum; super terram stabiliunt affectum meum. S. Laur. Just. de inc. div. am. c. 4.

O beata vulnera! ô locus deliciarum! de isto enim lateris medio fons omnis dulcoris, & suavitatis, emanat. Idem ibid. c. 2.

Christi quinque partito vulnere caro profoditur: ut nos à vitiorum, quæ in nos per quinque sensus ingrediuntur, irruptione curemur. B. Petrus Dam. l. 6. ep. 1.

Quinque nostrorum sensuum vulnera illis quinque Domini corporis cicatricibus sunt sanata. Idem l. 7. ep. 5.

Foramina petra, Vulnera sunt Redemptoris: quæ profectô non casu quinque sunt. Sed quia nos fuimus quinq; sensuum vulneribus sauciati, per has quinque plagas saluti sumus perpetuæ restituti. Idem opusc. 50. c. 2.

O admiranda, & veneranda JESU Christi! ô certè vita, dulcedo; & spes nostra! S. Bonaventura Stim. am. c. 1.

Ecce aperta est apotheca paradisi, omnibus aromatibus medicinalibus tota plena: ibi, quæcunque volueris, species accipies. Idem ibidem.

Quando absolvitur peccator, debet cogitare, quod omnia Vulnera Christi sunt aperta, & sanguis effunditur super eum. S. Vinc. Ferr. l. 1. fer. 5. post Oculi.

Deformitas tua, mea est pulchritudo: plagæ tuæ, & singula Vulnera; sanitas animæ meæ: & mors tua vita mea. In his vivo, & in talibus vita Spiritûs mei. Thom. Kemp. conc. 22. de Chr. Pass.

Pelicanus. Lem. *Ex vulnere salus.* Plaga Christi nostra medicina est. S. Ambros. l. de Spir. S. c. 8.

§. III.

Vulnera Christi proficua peccatori.

Columba mea in foraminibus petra ostendit mihi faciem tuam. Cant. 2. 14. Ex his vulneribus peccatorum tuorum immensam deduces gravitatem: ipse enim, ut dicit Isâ. 53. 5. *vulneratus est propter iniquitates nostras &c.* Vide S. Bernardus l. 3. de Nat. D. Ex iisdem cognoscere poteris peccatorum tuorum multitudinem. Sufficiebat quidem, ad totius Mundi delenda peccata, minimum Christi vulnus, sicut & minima ipsius Sanguinis gutta: ut quid ergo tot suscepit vulnera?

nera? nisi ut in illis agnosceres tua contra eum innumera delicta. Nam quia à *planta pedis usque ad verticem, non erat in te sanitas*. Isa. 1. 6. *sed vulnus, & livor, & plaga lumens*: ideo etiam in corpore ipsius à planta pedis nihil mansit invulneratum. Tertiò ex ijs agnosce debitum satisfaciendi: non enim passus est Christus, ut à peccatoribus auferret satisfaciendi necessitatem, & obligationem; sed potiùs, ut suo exemplò ad eam exhortaretur, ad illamque præstandam vires præberet. Si enim innocens Dei Filius, pro alienis vulneribus curandis, tot vulnera, & dolores, passus est; quid te nocentem, pro tuis propriis vulneribus scurandis, agere, & pati, oportebit? Punietur igitur caro, ut sanetur anima; vulneretur corpus, ut servetur Spiritus. de Ponte hic Exh. 24. §. 2.

Horrendum est incidere in manus DEI viventis. Hebr. 10. 31. Si hominem inimicum habes; licet potens sit; cras tamen moriturum sperare potes: & ita erit inimicitia finis. Verum, si Deum habes; inimicum, quis finis potest expectari? Et ita ejus manus sunt manus Dei viventis in æternum. Curate igitur hic incidere in manus DEI mortui; quæ manus sunt vulneratæ: à quo nihil mali, imò bona plurima vobis proveniant. Incidere in has manus, est, ejus sanctissimorum Vulnerum meritis ad vestra salutis remedium uti. Diez Conc. 3. D. 1. Adv.

Peccavi peccatum grande! turbatur conscientia; sed non perturbatur: quoniam vulnerum Domini recordabor. S. Bernardus l. 61. in Cant.

Quid tam efficax, ad curanda conscientia vulnera, nec non ad purgandam mentis aciem? quam Christi vulnerum sedula meditatio. S. Bernardus l. 62. in Cant.

§. 4.

Vulnera Christi cur retenta in Resurrectione?

Quinque plagæ ejus, quasi quinque linguæ, sunt, Plagarum suarum cicatrices idcirco in corpore suo retinuit, & reservavit; ut victorias suas semper loquatur illis quasi linguis. Rupertus de Viñ. Verbi l. 12. c. 27.

Oravit in Cruce Patrem dicens: *Pater! mitte illis*. Luc. 23. 34. Rogat eundem indefinenter in cælo, exhibendo vulnerum cicatrices; quæ pro redemptione Fidelium in suo perpeffus est corpore. S. Laur. Just. in fasciculo amoris c. 15.

Clamat idem Redemptor ad Patrem, Corporis sui cicatrices ostendens, quatenus ab æternis suppliciis sua homines interpellatione custodiat. Idem serm. in festo Corp. Chr.

Facile innatam, & naturalem, compassionem trahit ad se calamitas pauperum, & tribulati cordis deprimens moeror. - Sic & ipse mediator Christus, ut divinam adversus humanum genus concitatum, pro criminibus posset mulcere justitiam; cicatrices Vulnerum

sibi reservavit in corpore: quatenus haberet semper, quod, pro reconcilianda hominum specie, irato ostenderet Patri. Idem de triumph. &c. c. 15.

Sua Passiois vulnera in corpore ideo custodivit illaesa: ut haberet: quod exhiberet Patri, & ostenderet nobis. Patri, ut illum reconciliaret offensum: nobis verò; ut in corpore jacentes mentes sursum erigeret. - Opportunè Apostolo dubio manus ostendit, & latus: quatenus in altero Creationis, in altero autem beneficium Redemptionis, objiceret. S. Laur. Just. de triumph. c. 26.

Prima erit in reos intoleranda sententia reverendarum præsentia cicatricum. B. Cælius Arell. hom. 23.

Apud Deum, optimum habemus advocatum Christum: qui, quot Vulnera pro nobis suscepit, tot linguas habet, quibus pro nobis apud Patrem intercedit. S. Bernardus l. 2. in Alc. Dom.

Ratio, cur cicatrices retinuerit: ut ascendens in cælum semper ostenderet Deo Patri, quale genus mortis pro nobis sustinuit; & provocet eum ad misericordiam. Tertiò, ut Electi, qui quotidie assumuntur in patriam cælestem, videntes easdem cicatrices in corpore Redemptoris sui, indefinenter agant ei gratias. Haymò hom. in Oct. Paschæ.

Veri amici, in signum fœderis, & amoris; servare solent ad invicem aliqua insignia, & manscula, sibi invicem data. Unde Christus, qui verè amicus noster est, cicatrices vulnerum, quæ propter nos sustinuit, adhuc reservat. Et nos servare debemus tribulationis, laboris, & doloris, insignia; in signum fœderis, & amoris, inter nos, & ipsum. Hugo Card. in Gen. 17. 11. *ut sit in signum fœderis*.

§. V.

Vulnus Lateris Figure.

Ostium Arca. Gen. 6. 16. Vulnus Lateris.

Hugo Card. hic. Vulnus in Latere Christi, quid? nisi ostium in lateræ, arcæ, salvandis à facie diluvii. Guarricus l. 4. in Ram. Palm.

Filia tue de latere surgent. Isa. 60. 4. Habet JESUS filios, & filias de Latere enixas: habet apertum Latus, per quod novam progeniem, cælo destinatam parturit; in eoque sinu nidificantes parvulos enutrit, & roborat. Arcones in Isa. 3. 1. Sancti Garcia regis matrem, scribunt Hispaniæ historia, dum uterum gestaret, hastâ tam feliciter secundum ventrem istam; ut continuò per patulum vulnus infans manum miserit; atque educus fuerit vivus, & illaesus. Nos omnes in utero gestabat Christus: qui vulnus ejus Lateri Longinus inflixit, exitum ad vitam soboli aperuit. Doultreman. l. 4. 3. Sect. 1.

In illa die erit fons patens Domui David. Zach. 13. 1. Per hunc fontem intelligit Hieron. Rupertus, Hugo, Baptisimum &c. Haymò Latus Christi.

Unus